

## **Polasaí Úsáide Inghlactha**

### **Coláiste Íde**

#### **Réamhráiteas**

Is é aidhm an Pholasaí Úsáide Inghlactha a chinntiú go bhfaighidh daltaí buntáistí as na deiseanna foghlama as acmhainní idirlín na scoile ar bhealach sábháilte agus éifeachtach. Féachtar ar úsáid agus rochtain Idirlín mar acmhainn agus mar phribhléid scoile. Mura gcomhlíontar polasaí PÚI na scoile mar sin tarraingeofar siar an phribhléid agus gearrfar smachtbhannaí cuí - mar atá leagtha amach san PÚI.

Tá sé i gceist go ndéanfaidh ionadaithe scoile agus tuismitheoirí athbhreithniú gach bliain ar an PÚI. Sula síneofar é ba chóir an PÚI a léamh go cúramach lena léiriú go dtuigtear agus go nglactar le coinníollach na húsáide.

#### **Straitéis na Scoile**

Bainfidh an scoil leas as roinnt straitéisí chun cur chomh mór agus is féidir le deiseanna foghlama agus le rioscaí a bhaineann leis an Idirlíon a laghdú. Is iad na straitéisí na cinn seo a leanas

#### **Go Ginearálta**

- Beidh múinteoir i gcónaí ag maoirsiú seisiúin idirlín.
- Bainfear leas as bogearraí scagtha agus/nó córais chomhionann chun an riosca a bhaineann do nochtadh d'ábhar míchuí a laghdú.
- Déanfaidh an scoil monatóireacht rialta ar úsáid idirlín na ndaltaí.
- Cuirfear oiliúint ar fáil do dhaltaí maidir le sábháilteacht idirlín.
- Ní cheadófar íoschóipeáil nó uaslódáil a dhéanamh ar bhogearraí nach mbeidh ceadaithe.
- Bainfear leas as bogearraí cosanta víreas agus tabharfar é cothrom le dáta go rialta.

- Cleachtóidh na daltaí dea “netiquette” (i.e., etiquette ar an Idirlíon) ag gach tráth agus ní thabharfaidh siad faoi aon ghníomh a tharraingeoidh droch-cháil ar an scoil.
- *Tabharfar ríomhphoist scoile do gach scoláire, d’obair scoile amháin. Tá dualgas ar an scoláire a pasfhocal agus a ainm úsáide féin a úsáid i gcónaí*

### **An Gréasán Domhanda**

- Ní rachaidh mic léinn chuig láithreáin Idirlín ar a mbeidh ábhair ghraostacha, mídhleathacha, fuatha nó a bheidh míchuí ar bhealach eile.
- Is chun críocha oideachais amháin a bhainfidh daltaí úsáid as an *idirlíon le linn am scoile*.
- Beidh eolas ag daltaí ar cheistanna cóipchirt a bhaineann le foghlaim ar líne.
- Ní dhéanfaidh daltaí nochtadh nó foilsíú ar eolas pearsanta.
- Beidh a fhios ag daltaí go bhféadfadh aon úsáid lena n-áirítear eolas a dháileadh nó a fháil, cibé obair scoile nó nithe pearsanta a bheith faoi mhonatóireacht ó thaobh ghníomhaíocht neamhghnách, slándáil, nó cúiseanna bainistíochta gréasáin.

### **Ríomhphost/ Cumarsáid idirlín**

- Úsáidfidh daltaí cuntas ríomhphoist cheadaithe faoi mhaoirseacht nó cead múinteora.
- Ní sheolfaidh agus ní bhfaighidh daltaí aon ábhar a bheidh mídhleathach, graostach ná míchlúiteach nó a bhfuil sé i gceist leis cur as do dhuine eile nó imeaglú a dhéanamh air.
- Ní fhoilseoidh daltaí a sonraí pearsanta féin ná sonraí daoine eile, nithe mar sheoltaí nó uimhreacha fóin nó picitiúir.
- Ní shocróidh daltaí cruinniú casadh go fisiciúil le haon duine.

- Tabharfaidh daltaí ar aird gur faoi réir chead óna múinteoir a fhéadfaidh daltaí aguisíní le ríomhphoist a fháil agus a sheoladh.
- Ní bhainfear leas as seomraí comhrá, fóraim phlé agus fóraim chumarsáide leictreonacha eile ach amháin do chríocha oideachais agus beidh sin faoi mhaoirseacht ag gach tráth.

### ***Cianfhoghlaim***

*Nuair nach féidir le múinteoirí múineadh sa scoil bainfear leas as léibheann ceadaithe eile m.sh. Google classroom agus Zoom don gciantheagasc. Beifear ag súil go mbeadh tuismitheoirí/ caomhnóirí ag déanamh monatóireacht ar an obair scoile/ obair ranga go leanúnach*

### **An Suíomh Idirlín Scoile**

- Sé an seoladh scoile na [www.colaisteide.com](http://www.colaisteide.com)
- Tabharfar deis do dhaltaí tionscadail, obair ealaíne nó obair scoile a fhoilsiú ar an suíomh idirlín
- Déanfaidh múinteoir comhordú ar fhoilsiú obair daltaí.
- Foilseofar obair dhaltaí i gcomhthéacs oideachais ar leathanaigh an suíomh le fógra cóipchirt a chosfaidh cóipeáil obair den sórt sin gach cead sonracha i scríbhinn.
- Ní fhoilseofar grianghraif dhigiteacha, clipeanna éisteachta nó físe de dhaltaí aonair ar an ngréasán scoile. Díreoidh grianghraif agus clipeanna éisteachta agus físe ar ghníomhaíochtaí grúpaí. *Caithfear cead scríofa a fháil ós na tuismitheoirí/ caomhnóirí ag tús na bliana*
- Beidh úinéireacht ag daltaí fós ar an gcóipcheart ar aon obair a fhoilseofar.

## **Reachtaíocht**

Soláthróidh an scoil eolas ar an reachtaíocht seo a leanas maidir le húsáid an Idirlín agus ar chóir do dhaltaí, do mhúinteoirí agus do thuismitheoirí dul i dtáithi uirthi:

- An tAcht um Gháinneáil ar Leanaí agus Pornagrafaíocht Leanaí 1998
- An tAcht Tascartha 1993
- An tAcht um Fhístaifeadtaí, 1989
- An tAcht um Chosaint Sonraí 1988

## **Struchtúir Thacaíochta**

Cuirfidh an scoil eolas ar fáil do dhaltaí agus do thuismitheoirí faoi phríomh struchtúir agus eagraíochtaí tacaíochtaí a bhíonn ag déileáil le hábhar mídhleathach agus úsáid dhochrach an Idirlín.

*Cuirfear an Polasaí Úsáid Inghlactha i bhfeidhm de réir an Polasaí Um chosaint Leanaí atá ar fáil ar shuíomh idirlín na scoile.*

*D.I.C.: Áine Ní Chearbhaill*

*L.D.I.C.: Clíodhna Ní Chonchúir*

## ***Smachtbhannaí***

D'fhéadfadh gníomh disciplíne teacht as mí-úsáid a bhaint as an Idirlíon, lena n-áirítear tarraingt siar pribhléidí rochtana agus i gcásanna tromchúiseacha fionraí nó díbirt. Tá sé de cheart ag an scoil freisin aon ghníomhaíochtaí mídhleathacha a thuairisciú chuig na húdaráis chuí.

## Foirm Cheada

**Féach le do thoil ar an bPolasaí Úsáide Inghlactha, sínigh agus cuir ar ais an fhoirm cheada seo chuig an bPríomhoide.**

### Coláiste Íde

Ainm an Dalta: \_\_\_\_\_

Rang/Bliain: \_\_\_\_\_

### Dalta

Comhaontaím Polasaí Úsáide Inghlactha na scoile a leanúint maidir le húsáid an Idirlín. Bainfidh mé úsáid as an Idirlíon ar bhealach freagrach agus comhlíonfaidh mé na rialacha ar fad a mhíneoidh an scoil dom.

Síniú an Dalta \_\_\_\_\_ Dáta: \_\_\_\_\_

### Tuismitheoir/Caomhnóir

Mar thuismitheoir/Caomhnóir dlíthiúil an dalta thuas tá an Polasaí Úsáide Inghlactha léite agam agus tugaim cead do m'iníon rochtain a dhéanamh ar an Idirlíon. Tuigim go bhfuil rochtain idirlín leagtha amach chun críocha oideachais. Tuigim freisin go bhfuil gach réamhchúram réasúnach glactha ag an scoil chun soláthar a dhéanamh do shábháilteacht ar líne ach ní féidir freagracht a bheith ar an scoil má dhéanann daltaí rochtain ar ghréasáin mhí-oiriúnacha.

Glacaim leis an alt thuas

Ní ghlacaim leis an alt thuas

*(Cuir tic sa bhosca cúí)*

Maidir le gréasán na scoile tuigim sa chás gur cúí leis an scoil sin gur féidir obair scoile mo linbh nó grianghrafanna d'imeachtaí scoile a roghnú le cur ar ghréasán na scoile. Tuigim téarmaí an Pholasaí Úsáide Inghlactha agus glacaim leo maidir le hobair leanaí a fhoilsiú ar ghréasán na scoile.

Glacaim leis an alt thuas

Ní ghlacaim leis an alt thuas

*(Cuir tic sa bhosca cúí)*

Síniú: \_\_\_\_\_

Dáta: \_\_\_\_\_

Seoladh: \_\_\_\_\_

Teil: \_\_\_\_\_

## Seicliosta AUP

Le go mbeadh dealramh le AUP ba chóir é a athbhreithniú agus a thabhairt cothrom le dáta go rialta ag glacadh san áireamh ceisteanna feidhmithe a d'fhéadfadh teacht chun cinn. Seo a leanas seicliosta is féidir a úsáid nuair a bhítear ag forbairt nó ag athbhreithniú AUP.

1. Ar tháinig aon saincheisteanna feidhmithe AUP chun cinn ó rinneadh an AUP a dhearadh/a athbhreithniú?
2. An ndearnadh na saincheisteanna sin a phlé le tuismitheoirí, le daltaí agus le múinteoirí agus a ionchorprú san AUP cothrom le dáta?
3. Ag glacadh leis go bhfuil AUP bunaithe an bhfuil an scoil in ann aghaidh a thabhairt go muiníneach ar na nithe seo a leanas?
  - Tagtar ar leanbh ag úsáid an seomra comhrá chun cruinniú ceart a shocrú le cara.
  - Baineann an scoil leas as bogearraí scagtha ach tagann leanbh de thimpist ar ghréasán pornagrafaíochta agus é faoi do chúram.
  - Foilsíonn leanbh eolas clúmhillteach ar ghréasán pearsanta faoina chomhaois
4. An bhfuil tionchar dearfach ag an AUP ar sheachadadh an churaclaim?
5. Ar chuidigh saineolas inmheánach nó seachtrach chun an AUP a chumadh nó a athchumadh?
6. Ar phléigh an scoil úsáid an Idirlín le tuismitheoirí agus le caomhnóirí?
7. Ar aistrigh an AUP mar chód d'úsáid an Idirlín chuig an mbaile?
8. An mbíonn dialóg oscailte idir daltaí agus múinteoirí maidir mí-úsáid Idirlín agus saincheisteanna sábháilteachta?
9. An bhfuil freastal á dhéanamh ar riachtanas oiliúna sábháilteachta Idirlín múinteoirí agus daltaí?

**Polasaí Úsáide Inghlactha**  
**Coláiste Íde 2020**

*Déanadh an polasaí seo a phlé leis na páirtithe seo a leanas*

<i>Múinteoirí</i>	<i>18 Meán Fómhair 2020</i>
<i>Tuismitheoirí</i>	<i>20 Meán Fómhair 2020</i>
<i>Scoláirí</i>	<i>12 Deireadh Fómhair 2020</i>

***Dearbhaithe ag:***

*Bord Bainistíochta 15 Deireadh Fómhair 2020*  
*Bord Stiúrthóirí*